

卷之一 知宣恩縣事平湖張金瀾監纂
疆域志

沿革

古為廩君國周屬夔子國春秋為巴國界
戰國屬巫郡地後秦伐楚改屬黔中漢屬
南郡三國屬新城唐改舞州又改鶴州珍
州尋改夜郎縣麗臯縣東源縣渭溪縣宋
改西高州俱在木冊司地去今縣治百二
十里元屬土酋佔據因設東鄉施南高羅

宣恩縣志

卷之一

疆域

一

忠崗木冊忠建上愛下愛各土司屬施州
衛前明仍元舊制然亦廢置不一我
朝初仍明制其後東鄉忠建施南三司淫
惡無狀各以罪廢雍正十三年十五土司
率土抒誠自請歸流議置施南郡設所屬
六縣宣恩居其一乃就施南司故宅立今

縣治

賈志稿

施南宣撫司元施南道宣慰司洪武四年
十二月因之後廢永樂二年五月改置長

官司屬大田軍民千戶所四年三月陞宣撫司仍屬衛東有舊治後遷夾壁龍孔即今縣治也西有前江發源七藥山西南流與後江合入四川彭水縣界內北距衛一百里領安撫司五東鄉五路安撫司元東鄉五路軍民府洪武四年十二月改置長官司後陞安撫司領長官司三蠻夷官司二搖把崗長官司元又把崗安撫司後廢宣德三年五月改置上愛茶洞長官司下

宣恩縣志

卷之一

疆域

二

愛茶洞長官司二長官司俱元容美崗地至大二年置懷德府屬四川南道宣慰至順二年正月陞宣撫司太祖甲辰六月改軍民宣撫司後廢宣德三年五月改置忠建安撫司元忠建軍民都元帥府明玉珍因之洪武五年正月改長官司六年陞宣撫司二十七年四月改安撫司尋廢永樂四年後置宣撫司屬施州衛南有白水河源出將軍山西南流車東河自容美司來

合焉北距衛二百五十領安撫司二忠崗
安撫司元湖南鎮邊宣慰司明玉珍改沿
邊溪崗宣撫司洪武五年正月改沿邊溪
崗長官司後廢永樂四年改置西南有西
溪高羅安撫司明玉珍改安撫司洪武六
年廢永樂四年復置領長官司一施南長
官司成化後置木册長官司元木册安撫
司明玉珍改長官司今縣治即各司地分
七里

節錄明一統志

宣恩縣志

卷之一

疆域

三

施州隋為清江郡改州明初仍之洪武十
四年改設衛施南忠建東鄉忠崗高羅木
册搖把上愛茶崗下愛茶崗各司均為所
屬先是洪武四年宣甯侯曹良臣帥兵取
桑植容美洞元施南道宣慰使覃大勝弟
大旺副宣慰覃大興光寶子答谷等皆來
朝納元所授金虎符命以施州宣慰司為
從三品東鄉諸長官司為正六品以流官
叅用五年忠建元帥墨池遣其子驢吾率

所部溪洞元帥阿巨等來歸附納元所授
金虎符並銀印銅章誥勅置忠建長官司
及沿邊溪崗長官司以墨池等為長官十
五年置施南宣撫司隸施州衛十七年景
川侯曹震言散毛等崗蠻時寇掠為民患
已令施州衛及施南宣撫司覃大勝招之
如負固請發兵討二十年命忠建宣撫田
思進之子忠孝代父職時思進年八十餘
乞致仕故有是命明年諒國公藍玉克散

宣恩縣志

卷之一

疆域

四

毛崗擒刺惹長官司覃大旺萬餘人置大
田軍民千戶所隸施州衛時忠建施南叛
蠻結寨於龍孔玉遣指揮徐玉將兵攻之
擒宣撫覃大勝餘蠻退走玉復分兵搜之
殺獲男女一千八百餘人械大勝及其黨
八百二十人送京師磔大勝於市餘戍開
元給衣糧遣之永樂二年復設散毛施南
二長官司蠻苗吳面兒之難諸土司地多
荒廢長官亦罷承襲至是土官之子覃友

諒等以招復蠻民請仍設治所以其戶少降為長官司隸大田軍民千戶所以友諒為散毛長官覃添富為施南長官四年改設施南散毛仍為宣撫司以友諒添富來朝故也時高羅安撫田大民言招復蠻民四百餘戶乞還原職治所木册長官田谷佐並言祖父世為安撫洪武時大軍平蜀民驚潰治所廢今谷佐等招集三百餘戶請襲許之同時設東鄉五路安撫以覃忠

宣恩縣志

卷之一

疆域

五

為之隸施南設忠路忠孝金崗三安撫司隸施州衛以覃英田大英覃添貴為之皆因洪武間蠻亂民散廢其治今忠等以故官子職來朝奏請復設並從之各賜印章冠帶宣德二年設搖把崗上下愛茶二崗三長官司皆隸東鄉五路安撫先是忠路安撫司等各奏前元故土官子孫年酋蠻等各擁蠻民久據溪崗今就招撫請設官司授以職事兵部以聞帝以馭蠻當順其

情所授諸司宜有等殺兵部議以四百戶以上者設長官司四百戶以下者設蠻夷司元土官子孫量授以職從所招官司管屬皆從之令三年一朝貢如故事九年木册長官田谷佐奏高羅安撫常倚勢凌轢侵奪其土地人民已蒙

朝廷分理然彼宿怨未平恐復加害乞徑隸施州衛從之天順五年禮部奏施州木册長官司土舍譚文壽兇暴罪當刑令其

宣恩縣志

卷之一

疆域

六

母向氏進馬以贖恐不可從帝命給鈔百錠以慰其母其子仍禁錮之宏治二年木册長官田賢及容美致仕田保富各進馬為土人譚敬保等贖罪此宣境各司前明廢置之源流也

節錄明一統志

統志

施南宣撫司施

州衛舊志

禹貢荆梁二州西北境屬巴子國宋崇甯中覃都管馬始納土輸賦令隸施州元置鎮邊萬戶總管府至元二十三年改忠義

軍民安撫司至正二年叛都元帥紐璘諭降之改施南宣撫司明玉珍據蜀始更宣慰為施南宣撫司洪武四年大軍克瞿塘中山侯遣使黃述招覃大富入朝署施南長官司七年升宣撫十四年叛討平之二十三年定其地永樂二年改長官司屬大田軍民千戶所四年復升為宣撫仍屬衛編戶三里領東鄉忠路忠孝忠崗四安撫司後皆不屬

宣恩縣志

卷之一

疆域

七

國朝因之東至高羅五十里西至萬縣五百五十里南至大田六十里北至本衛六十里在衛南一百里自洪武四年覃耳毛始

東鄉安撫司

施州衛舊志

古溪崗地宋為細沙砦屬施州乃順州之西界也元仍之明玉珍置東鄉五路宣撫司洪武四年歸明六年置安撫司二十三年廢永樂五年復置宣德三年令領搖把

上下愛茶三崗長官司及鎮遠隆奉二蠻夷官司五年省編戶一里東至忠崗一百二十里西至施南二十里南至高羅四十二里北至本衛界三十里在衛南一百五十里天啟三年因征黔覃天允及子陣亡題加二級擬宣撫司自洪武四年覃起喇始

忠建宣撫司

施州衛舊志

古蠻夷國屬楚秦代楚屬黔中漢屬武陵唐屬黔中道宋屬保順州界元置軍民都

宣恩縣志

卷之一

疆域

八

元帥府明玉珍據蜀仍忠建都府洪武四年歸明六年改宣撫尋叛十四年改安撫再叛二十三年復宣撫編戶三里領忠崗高羅二安撫司東至永順一百三十里西至散毛五十里南至木册三十里在衛南二百五十里自洪武四年田恩俊始

忠崗安撫司

施州衛舊志

古蠻夷地秦屬黔中漢屬武陵充縣地吳晉屬天門郡梁置建昌縣隋開皇初屬施

州十八年改充州大業廢唐為珍州宋置
順州元置湖南鎮邊宣慰司明玉珍改沿
邊溪崗宣撫司洪武四年歸明尋叛十四
年討平二十三年招降永樂四年置安撫
司編戶三里東至永順一百里西至高羅
五十里南至高羅三十里北至東鄉一百
里在衛東南二百五十里自洪武四年田
蠻王始

高羅安撫司

施州衛舊志

宣恩縣志

卷之一

疆域

九

古山獠夜郎郡地唐貞觀七年開山崗置
舞州龍溪郡領夜郎麗臯樂源三縣長安
四年省麗臯樂源領夜郎渭溪二縣開元
十三年更名鶴州大歷五年以州有珍山
改名珍州置夜郎郡元和二年廢五代復
名鶴州宋乾德三年七月刺史田景遷言
本州年歲荒沴乞改高州又名曰西高州
元置石溪崗長官司後又改高羅寨長官
司尋升宣撫司明玉珍改安撫洪武四年

歸順尋叛六年置安撫司再叛二十三年定其地永樂五年復置編戶二里領木册長官司東至永順二百里西至施南七十里南至忠建三十里北至忠孝三十里在衛東南九十里自洪武四年田大卓始按明史係田大名非大卓

木册長官司 施州衛舊志

古夜郎地元置安撫司明玉珍改長官司洪武六年歸明置長官司尋叛永樂四年

宣恩縣志

卷之一

疆域

十

復置編戶三里東至大田一百里西至石柱司二百里南至黔江三十里北至龍潭三十里在衛西南四百里自洪武六年覃起送始按明史木册長官司田谷佐永樂四年置

舊志本荊州府志載有此書其中記二所及十四土司溯源上古迄於勝國歷代沿革並詳各土司疆域土舍傳襲燦若列眉似若可信第細按之則其所稱上古者不過古蠻夷國古

溪崗地巴子五溪地山獠夜郎地今按五溪夜郎本非施州地即與相接亦不能分孰為五溪孰為夜郎也又云荆梁二州西北境夫荆之西為梁梁之東為荆荆梁西北當在何境至稱大田散毛為宋富州忠建為宋保順州忠崗高羅為唐珍州考唐書宋史俱不合詳控制志及夜郎考其載各土舍姓名皆與明史不合然出於

土人記載故辨而存之郡

志

卷之一

疆域志

疆界

府南九十里

東至牛喫水與宜昌府鶴峯州上塘交界
距縣治一百三十里

東南至經歷寨與湖南龍山縣殷家壩交
界距縣治一百四十里

南至瑪瑙湖與湖南龍山縣分水嶺交界
宣恩縣志

距縣治一百六十里

西南至關口與來鳳縣夾口寨交界距縣
治一百六十里

西至土魚塘與咸豐縣馬蟻坨交界距縣
治九十里

西北至天蒜坪與恩施縣車寮交界距縣
治八十里

北至抱木垵與恩施縣九道水交界距縣
治三十里

卷之一

疆域

一

東北至萬寨與恩施縣三岔口交界距縣治七十里

東西距二百五十里南北距一百九十里周圍九百餘里分七里二十五甲

施南里六甲 東鄉里三甲

高羅里二甲 石虎里二甲

木册里二甲 忠崗里五甲

忠建里五甲